



## SIARAN AKHBAR

S.A. 2023/12/06\_65 (HQ)

### BEKALAN ELEKTRIK PULIH SEPENUHNYA

**Tenaga Nasional Berhad (TNB)** merujuk kepada laporan berita mengenai gangguan bekalan elektrik di Kompleks Kastam, Imigresen dan Kuarantin (CIQ) Bangunan Sultan Iskandar (BSI) dan Johor Bahru Sentral pagi ini. Bekalan elektrik telah dipulihkan sepenuhnya pada jam 9.13 pagi.

Terdahulu, TNB melaksanakan kerja-kerja hentitugas bernotis bagi senggaraan berjadual pepasangan di Pencawang Pembahagian Utama (PPU) Gerbang Perdana 33/11kV, Johor Bahru bermula pada jam 8 malam 5 Disember 2023 (Selasa) sehingga awal pagi 6 Disember 2023 (Rabu).

Ketika kerja-kerja dilaksanakan, bekalan elektrik sementara dibekalkan melalui 10 buah genset milik Bangunan Sultan Iskandar supaya tiada sebarang gangguan bekalan dalam tempoh tersebut.

Siasatan mendapati berlaku kerosakan berulang pada sebuah daripada genset berkenaan yang digunakan untuk memberi bekalan sementara dan telah mengakibatkan gangguan bekalan di premis bangunan CIQ.

TNB mengambil maklum dengan cadangan Kerajaan Negeri Johor supaya mempertimbangkan sumber alternatif bagi mengukuhkan lagi sistem bekalan elektrik ke kompleks CIQ seperti disuarakan oleh Exco Kerja Raya, Pengangkutan & Infrastruktur Negeri Johor, Mohamad Fazli Mohammad Salleh.

TNB juga bekerjasama rapat dengan pengurusan BSI bagi memastikan keterjaminan dan kestabilan bekalan ke kompleks berkenaan dan persekitarannya.

**Dikeluarkan di Kuala Lumpur pada 6 Disember 2023, jam 5:50 petang**

Untuk pertanyaan lanjut media, sila hubungi Hanim Idris 019-2617617 /  
Grace Tan 016-6626229 / Faiq Haikal 013-3889606  
atau emel kami: [media@tnb.com.my](mailto:media@tnb.com.my)